

PLOANIES SAN MARTIN Y LUNGIARÜ

Da sègn inant, do che siur Klaus Sottsas é ince ploan d'Antermèia y Rina, ne vègnel nia plü dagnora la pröma domènia dl meis tles ploanies da San Martin y Lungiarü a dí mëssa, mo datrai ince la sabeda sèra, plü avisa:

sabeda, ai 3 d'otober,	domènia, ai 3 de jenà,
domènia, ai 8 de novèmber,	sabeda, ai 6 de forà.
sabeda, ai 5 de dezèmber,	

Zelebrazions sö La Crusc:

dedolönesc, 29 de setèmber: Festa di Ss. Arcagnui Michil, Gabriel y Rafael
dales 7.30: Prozesciun da San Linert sö La Crusc y dales 9.30 Mëssa
sabeda, 03 d'otober: Festa de San Francèsch
dales 5.00 – 6.00: Ora d'adoraziun dan le Santiscim, dales 6.00: Mëssa

Eserzizi tla vita da vigni de: "Ester dan da Chël Bel Dî": en sabeda, ai 3 d'otober, a Oies. Info y prenoté 338 13 00 787 (nr di partezipanc al plü 10).

SAN MARTIN

Incö domènia, en la Segra da San Martin pïta la Uniun dla Musiga da San Martin dales 10:30 ales 20:00 spëises da tó cun os sön la plaza dl paiun. Al vègn arjigné galüc, pommes frites, tutres, cajincí arestis y fortaies. Prëibel apostede les spëises danfora: la marëna cina les 09:30 y la cëna cina les 16:30, al numer 345 59 20 048.

En dedemesaledema, ai 30 de setèmber, vègnel indö sié la cortina; tl caje de bur tèmpl la jöbia - chi che á dlaurela da gní a daidé é peria da mené n sms o telefoné a Leo 348 40 96 351

La Uniun dles Ères y di Èi inviëia ala mëssa di maridá iubilars en domènia, ai 18 de otober. Düc i pers che é 10, 15, 20, 25, 30, 35, 40, 45, 50, 55 ... agn maridá é dër bel invia ala festa che vègn en chësc ann ma tignida te dljia. Chësc avis vel sciöche invit.

LUNGIARÜ

La Uniun di Èi da Lungiarü inviëia al referat cun Francesco Imbesi dla Zentrala di Consumadus da Balsan sura " Auswirkungen von Elektrosmog und 5G ai 02 d'otober dales 20.00 tl salf dl paisc a Lungiarü.

Edemes dla sanité tl comun de Mareo dai 28 de setèmber ai 10 d'otober cun na ligna de referac interessanc – informaziuns plü avisa sön i placac tacá fora.

Döt le bun a chi che complësc i agn d'otober

a San Martin

Maria Clara Verginer 90 ai 2
Anna Mairunteregger Moling 89 ai 18
Giovanni Trebo (Tistler) 89 ai 21
Giovanni Planatscher 81 ai 24
Frida Graffonara Videsott 81 ai 29
Martin Rives 86 ai 29

a Lungiarü

Rita Zingerle Clara 89 ai 7
Angela Peccei Liotto 83 ai 31



Plata dles Ploanies San Martin y Lungiarü



siur ploan Klaus Sottsas 344 15 54 055 - klsottsas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunitè

27.09 - 04.10.20 nr. 44

26ª DOMÈNIA IA POR L'ANN - A

Vangele do Matí 21,28-32

N om â dui mituns. Al é jü dal pröm y à dit: Va incö a laurè tla vigna!
Al à respognü: Scê, Signur!, mo al n'è nia jü. Spo él jü dal secundo fi
y ti à dit le medemo. Chësc à respognü: I n'ò nia. Mo plü tert ti àra moiü,
y é impò jü. Cal di dui à pa fat la orentè de so pere?

Ai à respognü: Le secundo. Sön chëra ti à Gejü dit: Amen, chël ves diji:

I publicans y les prostitutes
röia plü sauri tl règn de Dî
co os. Jan é gnü a ves mostrè
le tru dla iustizia, y os ne ti
ëis nia cherdü; mo i publicans
y les prostitutes ti à cherdü.
Os indere ëis odü chëstes cosses,
y impò ne s'àra nia moiü
y ne ti ëise nia cherdü.



*Le confrunt danter i gragn proi y i plü vedli da öna na pert y i publicans y les prostitutes dal'atra pert é bëgn n pü' na gran provocaziun.
Che i publicans y les prostitutes sides pa da tó sciöche ejëmpl? Apëna.
Mo val' á chisc ultimi de bun: ai é plütosc arjigné da dubité de se instësc.
Y chësc ó bunamënter Gejü: Ch'i s'ejaminunse tres danü y metun en dübe noster convinziuns y noster aziuns.
Chësc él le pröm di dui fis che fej, al pënsa do ala resposta ch'al ti á dé al pere y se comöda. Y chësc dess ince fá le secundo:
mëte en dübe so comportamënt y fá ci ch'al á impormetü.
Mëte en dübe dess ince les autorités súa posiziun, so savëi, súa religiosité.
Me mëte en dübe dessi ince iö instës: döt, mies convinziuns y mies aziuns y spo me comedé. - Insciö lalda Gejü i publicans y les prostitutes che é plütosc bugn da odëi ite y che é arjigné da se convertí. (image)*

EDEMA LITURGICA	SAN MARTIN	LUNGIARÜ	 SEGRA DA SAN MARTIN La segra podess nes invié da conscidré indô n iade la forza simbolica de nosc alté. Al n'è nia n'aziun plü bela co chëra ch'i fajun pro la zelebrazion dl'eucaristia, al é la „fractio panis“: le rumpí le pan, canche le prou rump l'ostia dan la comunien. Al é chësc l'inom plü vedl ch'i ciafun tl Testamënt Nü por indiché l'indunanza di cristians incër la mësa dl pan. „Fractio“ ne significhëia nia ma rumpí, mo ince partí un cun l'ater y cherié comunité. Le pan che vëgn rumpí é ince n sëgn dla fragilité y dles rotöres de nosta vita. Al é n rumpí indalater, mo ince n se rumpí sö y n se daurí. Sce dui compagns messâ zacan se despartí un dal ater plü di alalungia, êl l'usanza da rumpí indalater na tofla d'arjila. Trami se tolô cun ëi süa pert y sce un ti mená al ater na notizia importante, menâl impara ince süa pert dla tofla; sc'ara passená pro l'atra pert, savô le compagn che la notizia ê vëi y ch'ara ti ê gnüda menada propi dal compagn. Te nosta vita cörta y te noster limitaziuns sintiunse tres indô ch'i un pordü nosta plenëza y ch'al nes mancia chë pert importante ch'i adorassun tan y che passenëia pro nos. Chël Bel Dî, che é ilimité y infiní, nes vëgn adincuntra te Gejú Crist tla forma dl pan rumpí a nes varí te noster rotöres y a nes completé. Cun so corp rumpí tl'ostia s'injuntel y s'unëscel a nosta vita, y nos diventun insciö mëmbri dl corp rumpí de Gejú Crist. En la segra de nosta dlijia él dërt ch'i ti ciarunse ala strotöra fragila y rota dl alté che é simbol dla fragilité y dles rotöres de nosta vita che vëgn varida, sanada y completada da Gejú che se pîta tl pan rumpí dl'eucaristia. Ci rotöres, prëii pa Gejú, ch'al vëgnes a me cuncé? Ci me fala pa te mia vita che ma Chël Bel Dî sciafia da implí fora?
27.09.20 26ª DOMËNIA - ann A <i>Vinzenz de Paul</i> Domënia di migranc y di profugs	SEGRA DLA DLIJIA DA SAN MARTIN 9.00 Corona 9.30 Mëssa solëna por la Comunité y benedisciun dl tēmp en onur de Sant Antone abat ++ Sciandro Hannele y Albert Trebo	7.55 Corona 8.15 Gran Mëssa por la Comunité y benedisciun dl tēmp	
28.09.20 Lönesc <i>Wenzel, Lioba</i>	7.30 Mëssa +++ Sepl, Sabina y Milio Flöss + Paul Vantsch dl ann + Elena Rubatscher Zingerle		
29.09.20 Dedolönesc <i>Michil, Rafael, Gabriel</i>	<i>degöna mëssa</i>		
30.09.20 Dedemesaledema <i>Iarone, Sofia</i>		7.30 Mëssa vis y def. de Albina Mischí, Pecëi + Adolf Tavella, La Val	
01.10.20 Jöbia <i>Tarejia da Lisieux</i>	7.30 Mëssa + Alfred Zingerle + Tone Rungger de Pal d'Al Plan Corona por vocaziuns		
02.10.20 Pröm vëndres <i>Agnui Custodi</i>	domisdé: Provijiun di amará 18.30 Adoraziun chîta 19.00 Mëssa en onú di Arcagnui y Agnui Custodi	7.00 Adoraziun 7.30 Mëssa ++ Franz y Lidvina Clara ++ geniturs de Giovanni y Hannele Chiusura dedô Provijiun di amará	
03.10.20 Sabeda <i>Josef Mayr-Nusser, Ewald,</i>	18.30 Mëssa prefestia <i>cun siur Klaus</i> vis y def. de Albina Moling, Spëscia de rengraz. fam. Lorenz Planatscher	13.30 Noza de Manuela Pezzei y Bruno Vallazza 20.00 Mëssa prefestia <i>cun siur Klaus</i> de reng. fam. Gebhard y Loise Moling ++ Germano y Giustina Moling	
04.10.20 28ª DOMËNIA - ann A <i>San Francësch</i> Domënia dl Rosare	9.00 Prozesciun dl Rosare 9.30 Gran Mëssa por la Comunité + suor Iustina Pescollderungg	7.55 Corona 8.15 Gran Mëssa por la Comunité por chi che prëia le Mister dl Rosare	